



SLUŽBENE NOVINE

KANTONA SARAJEVO

Godina XIX – Broj 42

Četvrtak, 23. oktobra 2014. godine
SARAJEVO

ISSN 1512-7052

KANTON SARAJEVO

Ministarstvo finansija

Na osnovu člana 17. stav (3) Zakona o izvršavanju Budžeta Kantona Sarajevo za 2014. godinu ("Službene novine Kantona Sarajevo", broj 13/14), po zahtjevu Stručne službe za zajedničke poslove Kantona Sarajevo, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2014. GODINU ZA BUDŽETSKOG KORISNIKA STRUČNA SLUŽBA ZA ZAJEDNIČKE POSLOVE

1. Odobrava se preraspodjela sredstava u Budžetu Kantona Sarajevo za 2014. godinu u iznosu 74.710 KM u razdjelu 24010001 Stručna služba za zajedničke poslove i to:
sa ekonomskih kodova:

611100 - Bruto plaće i naknade	iznos	4.710 KM
613200 - Izdaci za energiju	iznos	5.000 KM
613300 - Izdaci za komunalne usluge	iznos	10.000 KM
613400 - Nabavka materijala	iznos	30.000 KM
613800 - Izdaci osiguranja, bankarskih usluga i usluga platnog prometa	iznos	5.000 KM
821600 - Rekonstrukcija i investiciono održavanje		
OAX001 Renoviranje i adaptacija prostorija u objektima koje koristi Kanton Sarajevo	iznos	20.000 KM

na ekonomske kodove:

611200 - Naknade troškova zaposlenih		
611225 OAA004 Otpremnine zbog odlaska u penziju	iznos	4.710 KM
613900 - Ugovorene i druge posebne usluge	iznos	70.000 KM
2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-7370/14
30. septembra 2014. godine
Sarajevo

Ministar
Muhamed Kozadra, s. r.

Ured za zakonodavstvo Vlade Kantona Sarajevo

Na osnovu člana 3. Uredbe o izmjeni i dopuni Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine ("Službene novine Kantona Sarajevo", broj 33/12) i člana 4. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst), Ured za zakonodavstvo Vlade Kantona Sarajevo utvrdio je prečišćeni tekst Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine.

Prečišćeni tekst Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine obuhvata: Uredba o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine ("Službene novine Kantona Sarajevo", broj 19/08), Uredba o izmjenama Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine ("Službene novine Kantona Sarajevo", broj 18/09), Uredba o izmjenama i dopunama Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine ("Službene novine Kantona Sarajevo", broj 10/11) i Uredba o izmjeni i dopuni Uredbe o načinu, uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine ("Službene novine Kantona Sarajevo", broj 33/12), u kojim je naznačen dan stupanja na snagu tih Uredbi.

Broj 09-02-26129/14
14. oktobra 2014. godine
Sarajevo

Sekretar
Ureda za zakonodavstvo
Vlade Kantona Sarajevo
Ahmed Ljubović, s. r.

UREDBA**O NAČINU, UVJETIMA I KRITERIJIMA ZA
OSTVARIVANJE PRAVA NA SNOŠENJE TROŠKOVA
PLAĆANJA NAKNADE ZA GRADEVINSKO
ZEMLJIŠTE ZA IZGRADNJU INDIVIDUALNIH
STAMBENIH OBJEKATA ZA POTREBE BORACA -
BRANITELJA BOSNE I HERCEGOVINE****(Prečišćeni tekst)****POGLAVLJE I - OSNOVNE ODREDBE****Član 1.**

(Osnovne odredbe)

Ovom uredbom se uređuju način, uvjeti i postupak za ostvarivanje prava na snošenje troškova naknade za građevinsko zemljište za izgradnju individualnih stambenih objekata, definišu se korisnici prava, te kriteriji za prvenstvo ostvarivanja ovog prava.

Član 2.

(Korisnici prava)

Korisnici prava po ovoj uredbi su borci-branitelji Bosne i Hercegovine pod kojima se podrazumijevaju lica iz čl. 1. i 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 9/07 - Prečišćeni tekst, 7/08, 33/08, 3/12 i 18/12) (u daljnjem tekstu: Zakon).

**POGLAVLJE II - NAČIN I UVJETI OSTVARIVANJA
PRAVA****Član 3.**

(Način ostvarivanja prava)

- (1) Korisnici prava iz člana 2. ove uredbe (u daljnjem tekstu: korisnici prava) ostvaruju pravo na snošenje troškova plaćanja naknade za dodijeljeno gradsko građevinsko zemljište na kojem pravo raspolaganja ima Kanton Sarajevo (u daljnjem tekstu: Kanton), Grad Sarajevo ili općina, te građevinsko zemljište kupljeno na slobodnom tržištu od fizičkih i pravnih lica u svrhu izgradnje individualnog stambenog objekta za vlastite potrebe, površine do 400 m².
- (2) Ostvarivanje prava iz stava (1) ovog člana odnosi se na dodijeljeno i kupljeno građevinsko zemljište od dana stupanja na snagu ove uredbe.
- (3) Namjena zemljišta iz stava (1) ovog člana mora biti utvrđena za stambenu izgradnju u skladu sa regulacionim planom.
- (4) Troškove iz stava (1) ovog člana snosi Ministarstvo za boračka pitanja Kantona Sarajevo (u daljnjem tekstu: Ministarstvo), pod uvjetima iz člana 29. stav (2) Zakona.

Član 4.

(Uvjeti za ostvarivanje prava)

Prava iz člana 3. ove uredbe mogu ostvariti korisnici prava pod uvjetom da imaju prijavljeno prebivalište, odnosno boravište na području Kantona, a najkasnije do 06.02.1999. godine i dalje neprekidno i da nemaju riješeno stambeno pitanje ili isto ne mogu riješiti na drugi način shodno Zakonu.

Član 5.

(Definicija rješavanja stambenog pitanja)

U smislu ove uredbe, pod neriješenim stambenim pitanjem ili da se isto ne može riješiti na drugi način shodno Zakonu, podrazumijeva se da niko od članova porodičnog domaćinstva nije, niti je ikada bio nosilac stanarskog prava ili vlasnik/suvlasnik stana, odnosno vlasnik/suvlasnik ili posjednik porodične stambene zgrade na području Kantona, odnosno da svoje stambeno pitanje ne može riješiti ostvarivanjem drugih prava po Zakonu.

Član 6.

(Lica koja ne mogu ostvariti prava iz ove uredbe)

Prava iz člana 3. ove uredbe ne mogu ostvariti sljedeća lica:

- a) koja imaju ili su imala status raseljenog lica, izuzev interno raseljenih lica;
- b) koja su predugovore/ugovore o kupovini građevinskog zemljišta sklopila sa svojim, odnosno roditeljima bračnog partnera, braćom ili sestrama;
- c) čija primanja po članu domaćinstva prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti socijalne i boračko - invalidske zaštite, izuzev novčane naknade za vrijeme nezaposlenosti.

POGLAVLJE III - POSTUPAK ZA OSTVARIVANJE PRAVA**Član 7.**

(Postupak za ostvarivanje prava)

- (1) Postupak za ostvarivanje prava na snošenje troškova plaćanja naknade za dodijeljeno gradsko građevinsko zemljište na kojem pravo raspolaganja ima Kanton, Grad Sarajevo ili općina, te građevinsko zemljište kupljeno na slobodnom tržištu od fizičkih i pravnih lica u svrhu izgradnje individualnog stambenog objekta za vlastite potrebe, provodi Ministarstvo.
- (2) Za ostvarivanje prava iz člana 3. ove uredbe svake godine, saglasno odobrenim budžetskim sredstvima, objavljuje se Javni oglas putem sredstava informisanja.
- (3) Zahtjev za ostvarivanje ovog prava podnosi se u skladu sa rokovima propisanim Javnim oglasom iz stava (2) ovog člana, na posebnom obrascu koji propisuje Ministar za boračka pitanja Kantona.
- (4) Stručna služba Ministarstva obraduje svaki prispjeli zahtjev pojedinačno i sa svojim stručnim mišljenjem dostavlja ih Komisiji za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine (u daljnjem tekstu: Komisija) radi formiranja liste lica koja ispunjavaju uvjete za snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja Bosne i Hercegovine, a na koju se može se podnijeti prigovor ministru za boračka pitanja Kantona u roku do 21 dan od dana objavljivanja iste na oglasnim pločama Kantona, info-punktu Ministarstva, sjedištima kantonalnih boračkih udruženja i službama za boračko-invalidsku zaštitu svih općina Kantona i web stranici Kantona. Rješenje koje ministar donese po prigovoru je konačno.

Član 7a.

(Komisija za ostvarivanje prava na snošenje troškova plaćanja naknade)

- (1) Komisiju iz člana 7. ove uredbe imenuje ministar za boračka pitanja Kantona.
- (2) Komisija se sastoji od predsjednika i dva člana i imenuje se za tekuću budžetsku godinu.

**POGLAVLJE IV - KRITERIJI ZA PRVENSTVO
OSTVARIVANJA PRAVA****Član 8.**

(Kriteriji za prvenstvo ostvarivanja prava)

- (1) Za ostvarivanje ovog prava utvrđuju se kriteriji za prvenstvo ostvarivanja ovog prava, sa pripadajućim brojem bodova kako slijedi:
 - a) Borački status po kategorijama
 - 1) porodice šehida i porodice poginulih, umrlih i nestalih branitelja 50 bodova
 - 2) ratni vojni invalidi 40 bodova
 - 3) demobilizirani branitelji 30 bodova

- b) Broj članova porodičnog domaćinstva - za svakog člana porodičnog domaćinstva, podnosioca zahtjeva po 10 bodova
- c) Radni staž - za svaku punu godinu radnog staža podnosioca zahtjeva, izuzev perioda '92. - '95. godina po 2 boda
- d) Učešće u Oružanim snagama RBiH
- 1) učešće od 18. 09. 1991 - 05. 04. 1992. za jedan mjesec 6 bodova
 - 2) učešće od 06. 04. 1992 - 15. 04. 1992 . . . 5 bodova
 - 3) učešće od 16. 04. 1992 - 20.06.1992. za jedan mjesec 4 boda
 - 4) učešće od 20. 06. 1992 - 23.12. 1995. za jedan mjesec 3 boda
- Bodovi za učešće u O.S. pripadaju podnosiocu zahtjeva za svaki naznačeni period i međusobno se zbrajaju.
- e) Teška bolest podnosioca zahtjeva ili člana porodičnog domaćinstva.
Pod teškim bolestima u smislu ove uredbe smatraju se:
- 1) akutna tuberkuloza;
 - 2) maligna oboljenja;
 - 3) endemska nefropatija;
 - 4) stanje poslije hirurškog zahvata srca;
 - 5) sva degenerativna oboljenja centralnog nervnog sistema;
 - 6) infarkt (srčani, moždani);
 - 7) oboljenje mišićnog sistema i paralize.
- Sve ove bolesti buduće se pojedinačno sa . . . 5 bodova
- f) Maloljetni pripadnici OS RBiH
Licima koja su se uključila u OS RBiH u životnoj dobi kada nisu bili vojni obveznici 20 bodova
- g) Borački status člana porodičnog domaćinstva
Dodatni borački status za svakog člana porodičnog domaćinstva 20 bodova
- h) Materijalna situacija porodičnog domaćinstva podnosioca zahtjeva
- 1) koji nemaju primanja po članu domaćinstva uzimajući u obzir i primanja iz oblasti socijalne i boračko - invalidske zaštite, izuzev novčane naknade za vrijeme nezaposlenosti. 10 bodova
 - 2) koji ostvaruju primanja po članu domaćinstva do visine 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti socijalne i boračko - invalidske zaštite, izuzev novčane naknade za vrijeme nezaposlenosti 5 bodova
- (2) Ukupan broj bodova ostvaren po svakoj tački ovog člana međusobno se zbraja.
- (3) Ukoliko je to povoljnije za podnosioca zahtjeva, umjesto njegovog radnog staža, može se bodovati radni staž šehida - poginulog borca.
- (4) Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šehide - poginule borce, učešće u OS RBiH buduće se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1995. godine).

POGLAVLJE V - FINANSIRANJE

Član 9.

(Obezbjedenje sredstava)

Finansiranje prava utvrđenog ovom uredbom za svaku godinu obezbjeđuje se do visine sredstava odobrenih za ove namjene u Budžetu Kantona.

POGLAVLJE VI - PRIJELAZNE I ZAVRŠNE ODREDBE

Član 10.

(Ravnopravnost spolova)

Sve imenice koje se odnose na nosioce pojedinih prava, upotrijebljene u ovoj uredbi samo u muškom ili samo u ženskom rodu, odnose se na oba spola.

OPĆINA CENTAR SARAJEVO

Općinski načelnik

Član 3.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar je dana 30. septembra 2014. godine, verifikovao i donio

Korekcija Plana sastoji se iz tekstualnog dijela i 2 grafička priloga koji su predmet korekcije, kao i priloga Analitička obrada parcele.

ODLUKU

O KOREKCIJI REGULACIONOG PLANA

"JAGOMIR II"

Član 1.

Usvaja se korekcija Regulacionog plana "Jagomir II" (u daljem tekstu: korekcija Plana).

Tekstualni dio i grafički prilozi korekcije Plana su sastavni dio Regulacionog plana "Jagomir II" ("Službene novine Kantona Sarajevo", broj 15/03).

Član 2.

Korekcijom Plana stvoreni su preduvjeti za gradnju četiri stambene lamele označene kao K3, K4, K5 i K6, na građevinskoj parceli 19.

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir II", te pribavi saglasnosti nadležnih javnih komunalnih preduzeća.

Novoplanirana građevinska parcela prema Regulacionom planu "Jagomir II" označena brojem 19 koriguje se prema granici vlasničke parcele, a kako je prikazano u grafičkim priložima br. 2, br. 3. U okviru građevinske parcele 19. planirana je izgradnja četiri stambene lamele označene kao K3, K4, K5 i K6 spratnosti i horizontalnih gabarita kako je prikazano u grafičkom prilogu br. 2.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave i Ministarstva prostornog uređenja i komunalnih poslova Kantona Sarajevo.